

## Ilitsersuut

### *Ilinniartitsisumut*

Ilinniartitsisup atuortoq suleqatigalugu ilikkagassatut anguniagassat atuartitsinermitunaartarinqartussat ingerlaavartumik aalajangersortassavai. Maluginiarneqassaaq alloriarfimmi ilikkagassatut anguniagassat tamatigorluinnangajak anguniakkanut minnernut klassimut tamarmut, eqimattakkaartunut atuartunulluunniit ataasiakkaanut tulluurtunngorlugit aggulunneqartartussaammata. Suleriaasissat, periusissat aammalu atuartitsissutissatut qinigassat kiisalu naliliinermit periusissat ilinniartitsisut atuartullu suleqatigiillutik aalajangersortassavaat.

Naliliineq pillugu nalunaarummi allassimavoq atuartut tamarmik ilinniartitsisutik peqatigalugit minnerpaamik ukiumut marloriarlutik iliuusissaminnut pilersaarusiortassasut. Atuartut pilersaarusiarni tassani namminneerlutik anguniakkatik ilikkagassatut anguniagassanut tulluarsagaasut allattortassavaat. Atuartup pilersaarusiarni taanna ilikkagassatut anguniakkanik angusaqarniarnermini ikorfartuutigissavaa. Aammattaaq atuartup pilersaarusiarni anguniakkanik qanoq angusaqarsimatiginerminut nalilersuinermini sakkugissavaa.

Nalunaarummi aamma allassimavoq atuarfik, atuartup imminut nalilersornera pilersaarusiarni aallaavigalugit, atuartup atuartitsisutigineqartuni pissarsiaarnik ingerlaavartumik naliliisassasoq. Tamatumani siunertavoq ingerlaavartumik naliliineq atuartitsinerup pilersaarusiarniqarnarata ingerlateqqinnissanut tunngavissarnik pissarsissutaassasoq aammalu atuartumut taassumalu angajoqqaavinut atuartup atuaqqinnissaa ilinnigaqaaqqinnissaa pillugit siunnersuinissamut tunngavissiisassasoq. Kiisalu ingerlaavartumik naliliineq atuartup atuartitsissutaasuni piginnaassusiarnik, suliamigut naammassisaarnik atuarfimmilu sulianut qanoq tunniusimatiginerarnik ilinniartitsisup uppernarsaasiornarantunngavissiisussavaoq.

Ingerlaavartumik naliliineq periarfissarpasuit atorlugit ingerlanneqarsinnaavoq. Assersuutigalugu makkunuunatigut:

- Misilitsissutit, suliassiissutit, angerlarsimalluni suliassiissutit, nalunaarusiat, naalisakkat, oqaatsit aallarniutaasussat il.il.
- Isiginnaartitsinerit, saqqummiussinerit, oqalugiarnarit, PowerPointikkut saqqummiussinerit
- Ilusiliat, mindmaps, titartakkat, assitalersuinerit
- Portfolio, logbogit, allattukkat
- Internettimi quppersakkat e-mailsillu
- Oqallinnerit, apersueriaatsit
- Videukkat radiukkullu saqqummiussassaliat
- Skemat apersuinermit immersugassat


### *Naliliinermit arkit ataasiakkaat, 1. klasse kiisalu 2. aamma 3. klasse*

Ark 1: Atuartup imminut nalilersornera. Immersorneqarsinnaasoq:

Titartakkap naavani atuartup ilinniartitsisuni suleqatigalugit atuartitsissutaasuni namminerlu inuttut anguniakkani / anguniaqqaarumasani allassavai. Atuartup siusinnerusukkut atuarnermini titartakkamik taamaattumik immersuereersimaguni titartakkat taakkua marluk imaat sanilliutissavai immersuiffisallu amigaatini immersorlugit. Titartagaq aamma assigiinngitsutigut atorneqarsinnaavoq: sulianik aalajangersimasunik suliaqalinninnermit immersorneqarsinnaavoq, atuartitsissutaasusarnik ingerlatsinerup nalaani atorneqarsinnaavoq, atuarfiup angerlarsimaffiullu oqaloqatigiilinninnerini immersorneqarsinnaavoq il.il. Taamaalilluni titartagaq ingerlaavartumik naliliinermit ilaalluinnalissaaq. Angajoqqaanut ilisimatitsissutitut titartagaq atuartup angerlaatissavaa.

Ark 2: Ilinniartitsisut immersugassaat. Immersorneqarsinnaasoq:

Atuarfiup angerlarsimaffiullu oqaloqatigiinnissaat sioqqullugu atuaqatigiit ilinniartitsisuisa immersugassaq taanna immersussavaat. Klasselærerit oqaaseqaasiarnik (1. klassimi) aammalu oqaaseqaasiarnik ilassutaasunillu oqaaseqaatinik (2. aamma 3. klassimi) Ark 3-mi allatassarnik allataqarnissanut arkimi uani allattukkat tunngavissusaapput. Arkimi ilitsersuut aamma takuuk.



Ark 3: Oqaaseqaasiaq. Immersorneqartussaq.

Atuarfiup angerlarsimaffiullu oqaloqatigiinnissaat sioqqullugu arki klasselærerip immersussavaa, ilaatigut ilinniartitsisut immersugassaat aallaavigalugu. Atuartup oqaaseqaasiaq angerlaatissavaa atsiorneqartussaammata. Ataatingaani atuartitsinerup ingerlanneqarnera pillugu paasissutissiinerit allanneqassapput. 1. klassimi piffissap sivissusilerikkap iluani akunnerit atuartitsiviusussatut pilersaaruseriikkat amerlassusaat, piffissap sivissusilerikkap iluani akunnerit atuartitsiviusut ingerlanneqarsimasut amerlassusaat kiisalu atuartup akunnerit atuartitsiviusut peqataaffigisaasa amerlassusaat nalunaarsorneqassapput. 2. aamma 3. klassimi nalunaarsuinerit fagikkaarlugit nalunaarsorneqartassapput. Nalunaarsuinerimi atuartitsinerit vikarinit aaliangersimasuunngitsunit ingerlanneqartut ilanngunneqassanngillat. Arkimi ilitersuut aamma takuuk.


Ark 4: Angerlarsimaffimmi immersugassaq. Immersorneqarsinnaasoq:

Arki taanna oqaaseqaasiarlu, immaqalu titartagaq Ark 1-imiittoq, atuartup angerlaatissavai angajoqqaanilu ilagalugit apeqqutit akior-tussallugit. Arki atuarfiup angerlarsimaffiullu oqaloqatigiinnerannut nassarneqassaaq. Arkimi ilitersuut aamma takuuk.

Ark 5 / 5a / 5b. Iliuusissatut pilersaarussiaq – oqaloqatigiissutissat. Immersorneqartussaq:

Atuarfiup angerlarsimaffiullu oqaloqatigiinneranni atuartut, angajoqqaat ilinniartitsisullu atuartup nammineerluni anguniagassaanik nutaanik isumaqatigiissapput aammalu anguniagassat taakkua qanoq anguneqarnissaanut iliuusissanik pilersaarusiussallutik. Arkip assinga atuartup angerlaatissavaa. Maluginiaruk 2. aamma 3. klassimut qinigassat marluummata: iliuusissatut pilersaarussiaq atuartitsissutinut tamanut atuuttoq (Ark 5a) aappaalu atuartitsissutinut ataasiakkaanut agguataagaq (Ark 5b). Ilinniartitsisup nammineq sorleq atorniarnarlugu qinigassaraa. Arkimi ilitersuut aamma takuuk.

Eqqaamassallugu pingaaruteqarpoq arkit ataasiakkaat nammineq pisariaqartitassinnut tulluarsarsinnaagassigit. Eqqaamaannarneqassaarli arkit immersugassaasut imarisaat inatsisitigut peqqussutaammata.



## **Angajoqqaanut atuartunullu**

Atuarfimmi iliuusissatut pilersaarutit, ingerlaavartumik naliliisarneq uppersaasiortarnerlu pillugit nalunaarummi allaqqavoq atuortoq ilinniartitsisuni peqatigalugit nammineq iliuusissaminik pilersaarusiortassasoq. Tamatumani pineqarpoq atuartup qanoq iliorluni anguniakkaminik angusaqarnissaa atuartup, angajoqqaat atuarkiullu peqatigiillutik pilersaarusiortassagaat.

Matumuuna siunertarineqarpoq atuartitsinerup ingerlaqqinnissaata pilersaarusiornissaa, atuartup angajoqqaavisalu siunnersorneqarnissaat atuarnerup qanoq ingerlateqqinnisaanik kiisalu ilinniartitsisut tunngavissiusallugit atuortoq pillugu oqaaseqaasiassamik ilassutaasunillu oqaaseqaasiornissamik. Taamatut iliuuseqarneq ukiumut marloriarluni ingerlanneqartassaaq atuarkiup angerlarsimaffiullu oqaloqatigiinnerinut peqatigitillugu. Oqaloqatigiinnissat sioqqullugit atuartup ilinniartitsisuni peqatigalugit “Ark 1. Atuartup imminut nalilersornera” immersoreersimassagaa ilimagineqarsinnaavoq. Tassani allassimassapput atuartup piffissami tullitutum anguniagassamisut aaliangiutai. Taakua atuartup angerlaatissavai, Ark 3: Oqaaseqaasiaq ilanngullugu. Oqaaseqaasiami klassip ilinniartitsisuisa atuartup atuarneranik naliliinerat allassimassaaq.

Oqaaseqaasiaq ilinniartitsisut ulluinnarni atuartitsinerminni ingerlaavartumik naliliineri aallaavigalugit suliaavoq. Ingerlaavartumik naliliineri atuartup iliuusissamisut pilersaarutai atuartullu imminut nalilersorsimanera tunngavigineqarput. Immersugassap ataatungaani atuartitsinerup ingerlanneqarnera pillugu paasissutissiissutit takuneqarsinnaapput. Malugeqquneqarpoq akunnerit klassimi atuartitsiviusimasutut ingerlanneqarsimasut amerlassusaannut tiimit vikaritut atuartitsiviusut aamma ilanngunneqarsimamata. Immersugassami “Piffissamik ataqqininneranut taajumasat”-ni atuartup inortuineri allanneqarsimapput.

1. klassimi taamaallaat oqaaseqaasiaq tunniunneqartartussaavoq. Tassani nalilersorneqartartussaapput atuartup inuttut, inooqatigiinnikkut, oqaatsitigut, paasinnittaatsikkut timikkullu inerikkiartornera.

2. aamma 3. klassimi oqaaseqaasiami atuartitsissutaasut atuartitsissutaasullu imminnut qanitariissut tamarmik nalilersuiffigineqartartussaapput ukuusut: kalaallit oqaasii, qalunaat oqaasii, inuiaqatigiilerineq, upperisarsiorneq isumalioqqissaarnerlu, matematikki, pinngortitalerineq, inuttut inerikkiartorneq aammalu sumiiffinni ataasiakkaani toqqagasat. Sumiiffinni ataasiakkaani toqqagassani sammineqartarput assasorneq ilusilersuinerlu, eqqumiitsuliorneq illussanillu titartaaneq, timersorneq silamilu inuuneq aammalu erinarsorneq, aalaatsit isiginnaartitsinerlu.

Kiisalu ilassutaasumik oqaaseqaatit aamma ilanngunneqartussaapput. Tassani ilinniartitsisut atuartup atuarfimmi sulinera, inuttut inooqataasutullu inerikkiartornera aammalu klassimi inooqataanermut akuunera oqaaseqarfigisassavaat.

Atuarkiup angerlarsimaffiullu oqaloqatigiinneranni oqaloqatigiit iliuusissatut pilersaarummik piffissami tullitutum atuuttussamik isumaqatigiittassapput. Iliuusissatut pilersaarutit taakkua immersuiffissamut taakkununga sanaasumut, Ark 5/5a/5b-nut, allatorneqassapput atsiorneqarlutillu.

Angajoqqaat ilinniartitsisunik atuarfimmillu attaveqarnissaminnut tamatigut tikilluaqquneqarput atuartut atuarnerannik naliliinermik annertunerusumik paasisaqarusukkunik.

